

新修江寧府志

地220.13
135
:17
部二

第十七本

文苑
隱逸
流寓
技藝

新修江寧府志卷之四十

人物七 文苑

晉王鑒字茂高棠邑人少以文章著稱初爲元帝琅邪國侍郎時杜弼作逆鑒上疏勸帝親征詞旨愷切帝深納之卽命中外戒嚴會弼平乃止中興拜駙馬都尉奉朝請出補永興令大將軍王敦請爲記室參軍未就而卒時年四十一有文集五卷傳於世事詳晉書本傳弟濤字茂略有才華歷任著作郎無錫令所著集五卷三國志序評三卷濤子戴字廷堅亦有才華官著作郎皆見晉書

新修江寧府志

卷之四十 文苑

一

宋顏延之字延年琅邪臨沂人與陳郡謝靈運俱以辭采齊名議者以延之靈運自潘岳陸機之後文士莫及事詳宋書及南史本傳

齊顏協字子和晉侍中含七世孫博涉羣書工於草隸飛白事詳南史文學傳

梁紀少瑜字幼瑒丹陽秣陵人本姓吳養於紀氏因而命族早孤幼有志節常慕王安期之爲人年十三能屬文事詳南史文學傳

陳顏冕字元明介然修立爲當世所知其表奏詔誥下筆立成便得事理而雅有氣質事詳陳書文學傳

隋諸葛穎字漢年丹陽建康人年八歲能屬文習周易圖緯倉雅莊子頗得其要清辨有俊才事詳隋書文學傳

唐庾抱其先自潁州徙家江寧開皇中為延州參軍事後累歲調吏部尚書牛宏知其有學術給筆札令自序拔翰便熟宏奇之事詳舊唐書本傳

許淹潤州句容人博物洽聞尤精詰訓事附唐書儒學曹憲傳

許子儒字文舉句容人以學藝稱事附唐書儒學許叔牙傳

新修江寧府志 卷之四十 文苑

王昌齡字少伯江寧人善詩人稱王江寧事詳舊唐書文苑新唐書文藝傳

冷朝陽江寧人能詩善書按李嘉祐集有送冷朝陽及第歸江寧詩又金石文字記

吳岳祠堂記興元二年于公異撰冷朝陽行書

項斯字子遷江東人會昌丹徒尉見新唐書經籍志注能詩楊敬

項斯詩幾度見君詩盡好及觀標格過於詩生平不解藏人善到處逢人說項斯

殷遙句容人新唐書經籍志注云句容有忠王府倉曹參軍殷遙硤石主簿樊光橫陽主簿沈如筠江寧有石

拾遺孫處元全唐詩小傳作孫處立云長安中為左拾遺神龍初論時事不合歸里開元初薦不

起有詩云漢家輕壯士無狀殺徐延壽全唐詩小傳殷彭王一遇風塵起令誰守四方

蟠彙次其詩爲丹陽集者按明王世貞謂江寧唐無詩人周暉金陵瑣事因歷舉庾抱以下十餘人然其中如康洽許恩孫革但見周賀岑參韓栩贈送之篇耳未聞其人之亦能詩也故今悉不取

南唐盧郢金陵人好學有才藝而膂力過人善吹鐵笛後主試王度如金玉賦郢唱第爲第一徐鉉娶郢妹嘗受後主旨撰文不能就因語郢郢曰願試爲之因弄百鈞石頭以較力鉉視之曰其何能爲郢命筆吏口授而書之鉉大驚遂以郢文進後主曰語勢道健似非卿作鉉以實對事見馬令南唐書

宋刁衍字元賓昇州人以純澹夷雅知名事詳宋史文苑傳

新修江寧府志

卷之四十

文苑

三

洪湛字惟清昇州上元人幼好學五歲能詩事詳宋史文苑傳

元楊剛中字志行建康上元人爲文奇奧簡澀動法古人而不屑爲世俗平凡語其甥李桓字晉仲同郡人亦以文鳴江東事並附見元史儒學楊載傳

楊翮字文舉集慶路人元末提舉江浙學政楊孟載悼翮詩云八分書古追東漢七字詩工到盛唐

明夏煜字允中江寧人好學有俊才以詩名太祖嘗置幕下爲中書省博士伐陳友諒時煜侍太祖草檄賦詩

洪武初總制浙東諸府

李莊字敬中江寧人父爲灤城侯歿於王事莊從劉溥遊刻意詞翰人爭傳之

陶元素字希文上元人正統間進士以親老乞歸養教授諸生不復仕天順成化間歷應浙江河南聘典鄉試號稱得人卒年七十有四

蔣滋字惟深上元人成化丁未進士累官參議性樸實孝友少爲諸生刻志勵學有通鑑綱目一部每閱一過卽以一色筆評註凡數閱五色皆備顧起元曰前賢操履清貞矯矯人外卽其終身學古無他嗜好亦足見淳

新修江寧府志

卷之四十

文苑

四

樸寡欲之一端也

顧璘字華玉上元人宏治丙辰進士官至刑部尙書與同里陳沂王韋號金陵三俊事詳明史文苑傳沂字魯南正德中進士官至山東參政以不附張孚敬桂萼改行太僕卿致仕韋字欽佩父徽成化時給事中直諫有聲舉宏治中進士歷官太僕少卿子逢元亦能詩事皆附璘傳璘從弟瓌字英玉亦附璘傳

任彥常字吉夫江寧人成化進士提學福建甚得士心宏治改元致仕歸八府諸生赴京請畱不報優游林下十餘年著有克齋稿

蔣誼字宗誼江寧人八歲能賦詩成化進士授杭州府推官擢御史風紀肅清以疾卒著有經緯文衡諸書

謝承舉字子象

通志作謝璿字文卿

上元人父知府芳有孝行承

舉八歲能詩人以神童目之子少南字應於嘉靖壬辰進士博洽有聞好崇獎士類嘗爲廣西提學著有河垣稿諸集

陳元慶字允嘉上元人性孤介不耐圭組以舉人由滁州學正陞上饒知縣不赴讀書飲酒雖甚醉猶作朱陸中語年七十三卒

楊成字水田上元人登進士官至四川參政工詩多佳

新修江寧府志

卷之四十

文苑

五

句顧起元云水田公像鐵面劔肩凜不可犯

徐霖字子仁上元人少爲諸生有名然倜儻不羈坐事削籍乃殫力於藻翰書畫皆工名播海外武宗南狩兩幸其居又號髯仙

邢一鳳字羽伯一字雉山龍江衛籍嘉靖辛丑殿試三甲第三人屢官侍講遷太常寺少卿一鳳家居軫念民瘼撰縣碑備述疾苦及吏胥之蠹聞者悚然稱爲名言顧源字清甫一字寶幢京衛籍豪雋不羣究心心性之學浩然有得殷邁馮夢禎輩皆敬禮之善書畫能詩有玉露堂稿

陳芹字子野羽林衛籍中嘉靖甲午舉人授崇仁教諭時邑令峻刑急斂衆大譁有二生素爲令所恨遂揭於諸司誣以鼓衆司牒提究芹慷慨執詞持不肯發當道是之二生遂得免陞奉新知縣調寧鄉歸築五柳亭邀笛閣於秦淮著忠孝說義諸書

盛時泰字仲交上元人以諸生久次得貢天才敏捷自幼好讀書性骯髒不問家人生產王世貞見其兩都賦贈之詩曰遂令陸平原不敢賦三都和世貞擬古七十章三日而畢見者奪氣子敏耕字伯年亦有雋才

焦竑字弱侯旗手衛籍萬歷己丑殿試第一除修撰事

新修江寧府志

卷之四十

文苑

六

詳明史文苑傳仲子尊生字茂直亦能詩

朱之蕃字元介上元人萬歷乙未進士殿試第一授翰林院修撰有奉使朝鮮稿南還紀勝諸集之蕃文翰兼工張壇東國與館伴周旋有倡必和

顧起元字太初江寧人萬歷會試第一人殿試一甲第三人歷官國子監祭酒吏部侍郎退居遯園七徵不起友人題曰七台亭先後立朝僅五載耳學問淵博著作精覈畱心桑梓文獻卒諡文莊

周暉字吉甫上元人博古洽聞爲鄉里所重焦竑稱其胷饒蘊蓄性好編錄几格不虛巾箱恒滿吟咏自適不

求人知年八十餘卒著有金陵瑣事諸書

黃居中字明立一字海鶴先世福建人官江寧樂秦淮之盛因家焉十歲能文萬歷乙丑舉禮經魁授上海教諭陞南國子助教遷監丞轉貴州黃平州知州投檄不赴歸居中生平介特不苟甲申闖變年已八十三矣聞之北向號痛衰經不食者累月未幾遂卒遺命幅巾以斂子虞稷字俞邵七歲能賦詩入我

朝以薦授翰林纂修明史及一統志在館十年以給假歸里卒於家著有千頃堂書目諸書

陸澗字霖生號荀叔應天府廩膳生性嗜書尤邃於二戴及性理尋棄諸生以詩酒自娛

朱可潢字仲源宗牒中名士也善談工詩文顧起元爲立傳

張問仁字子兼號鳳池句容坊郭人幼端敏有至性以拔貢生爲合肥訓導歸杜門卻掃著有國朝名臣履歷瑣碎綴錄五者軒文集家乘年譜百餘卷

張榜字賓王句容人萬歷癸卯舉人書史過目成誦落筆如風雄談雅謔沁人心腑在南國子監舉幡畱祭酒馮夢禎上疏請伏斧鑕以直先生人皆義之

姚敬重字克仁溧水人姚古七世孫也由儒士授本縣

儒學訓導洪武初被薦送翰林院考通五經除駙馬都尉府學錄兼翰林院五經博士獻治政章擢左贊善歷陞左副都御史擢太子賓客卒於京諡文林先生
陳文昭字潛孚溧水人性澹蕩工詩嘗從其族人樂知之任武昌歷馬當小姑潯陽鄂渚間著詩頗富有竹香齋諸集藏於家後卒於客有義僕歸其骨以葬焉

劉楚字景孫溧水人好學不倦善吟咏以詩酒放達終其身有蕉房稿清溪草諸集藏於家

武昂字元績號紆溪溧水人少能文及壯不樂仕孝友端方爲後進楷模有紆溪集惠迪堂詩行世

新修江寧府志

卷之四十 文苑

八

王可學字景聖號至吾溧水人篤於友于內外無間言嘗爲善於鄉歲稔則賑饑掩骼傾其貲不惜萬歷丙午以歲貢授當塗學官陞郎陽通判理奇冤多所平反所著有易原覆瓿集子民懷有問心集

武尙賓字邦嘉號鶴汀溧水人父暉仕爲台州幕以勦倭死尙賓方弱冠抱疏陳情肅宗愍之贈太僕寺丞蔭尙賓入監讀書其後中舉人乃請移蔭仲弟尙冕政府見而奇之曰此非前日抱疏生耶甚器重之仕爲建寧推官定疑案邑無冤獄遷南康同知歸卒年六十四有雕蟲雜集行世

魏榮江浦人中宣德壬子科鄉試經魁授訓導歷陞國子監助教翰林院檢討博學能文當時推重

季璘字饒瑞六合東里人正統戊午舉人任河南鄆陵縣教諭改邳縣遂平教諭致仕潛心學問落筆驚人成化丙申知縣唐詔延修邑志詔最爲賢令而璘簡質不阿尤不可及

陸榮字純仁六合西里人孝弟能治家又博通書史黃副使蕭銘其墓曰孝之篤行之毅宜介爾景福家之肅族之睦爲六峯稱獨子璋亦讓產承先志

黃紹文字道甫六合人由貢生授江西南安府訓導陞

新修江寧府志

卷之四十 文苑

九

福建晉江縣教諭修身踐言表裏如一博物洽聞足備顧問嘗修縣志並廣德州志徵忠錄行於世

章慈字義之廣洋衛人由貢生授浙江龍游縣訓導平生篤故舊辨義利未嘗苟取於人攝邑符多所建白歸老讀書別墅志在立言其私考邑史闡幽揚善並所著學基學統等皆可傳

孫國教字伯觀原名國光拱辰子六合人幼穎異善屬文由貢生廷試第一上疏請駁正三朝要典詞氣壯烈聞者韙之隨授延平府訓導晉中書舍人歸生平著述最富子宗岱汧如亦能詩文投筆爲武職晚年隱居賣

藥有古人風

汪元哲字魯生六合北三圖人萬歷庚戌進士工詩文能書畫官戶部主事有條議漕運數事皆中竅要出守衢州未任卒

韓仲孝字君陳高淳人爲廩生讀書自守慎干謁唐順之以澹臺滅明稱焉高淳議築城仲孝著難城說數千言止之萬歷丁巳歲大祲詔他府縣改折如高淳仲孝曰以淳爲例而惠不及淳得無向隅之泣乎上書應天府尹奏請於常額外更蠲三之一仲孝生平博洽所著有非齋集行於世

新修江寧府志

卷之四十

文苑

十

谷再吉字知迪高淳人少讀書淹通經史父以漕運受累再吉奮身詣御史臺抗言夙弊敷陳苦衷臺官嘉而免之歸家閉戶讀書所著有五經纂要周易解周禮注地輿九邊圖諸書

孫維明字克晟高淳諸生氣質清粹著易學統此集二十卷草創未就其子越續成之越字凝元亦諸生闖逆之變凶問至越設位以哭遂掛青衿於澤宮之門隱居教授足不入市者四十年家徒四壁晏如也一旦有誣以頑戶逋糧訴縣者越口吟云今朝得附頑民末猶媿商家義士風知縣崔聞而異之投刺就見越遁年八十

餘卒

邢昉字孟貞高淳人明諸生入

國朝不復應試爲詩最工王士正朱彝尊皆推重之所著
有石臼集

國朝張正綱字敦五上元人爲諸生敦勵實學嘗曰孔辨
君子小人孟辨舜蹠之徒未有利關不破而可以語爲
人者所注周禮春秋離騷多所發明同時有張大受字
與之攻苦食澹嘗與同人舉五經會又有胡其毅者字
靜夫中書曰從之子曰從年九十其毅就養無方人稱
其孝性亦澹薄而頗工於詩

新修江寧府志

卷之四十

文苑

七

朱圻字次郊上元人性峭潔工詩文書翰爲諸生祭酒
著有夏雲堂天放居集子元英字師晦康熙己丑進士
官編修詩古文皆工著左傳拾遺元英子松年字枚長
慈厚好義憫人疾苦以諸生貢入國子監例授州同知
子瀾別有傳

劉思敬字純之江寧人順治間進士任刑部郎中執法
無所避分校禮闈得士最盛尋擢參議乞終養修江南
省志著徹牘八編

倪粲字闇公上元人爲諸生卽以淹雅著名康熙丁巳
舉鄉試應博學鴻詞薦官檢討分纂明史致疾歸同時

程邑字翼蒼順治時舉進士授庶吉士出爲蘇州教授
遷國子監助教亦纂修明史

紀映鍾字伯紫上元人父青字竹翁家貧氣俠中年後
輒遠遊映鍾爲諸生工詩喜結納卒之日同里友爲文
祭之云依隱玩世壯語高姿達官訪以當世之務名士
題以風流之師論者以爲實錄

白夢鼐字仲調江寧人少與兄夢鼎皆以觸魏忠賢下
詔獄明亡獄始解夢鼎以前明諸生終夢鼐舉康熙庚
戌會試第二官大理評事都御史魏象樞以博學鴻詞
薦庚申補行福建鄉試夢鼐爲考官得士最盛

新修江寧府志

卷之四十

文苑

三

胡任輿字孟行上元人文筆秀雅康熙辛酉鄉試第一
甲戌進士 殿試第一授修撰歷陞諭德

方舟字百川桐城人入上元學與弟苞弟林相友愛年
三十七以病卒遺命兄弟三人同穴而妻皆別葬焉所
爲經義能入古法

國朝自順治以來士以時文著名甚重至以諸生而文名
被天下惟舟與金壇王汝驥而已同時高淳有張自超

者字彝歎性孝能文嘗著春秋宗朱辨義

高淳縣志作述朱茲據四

庫書

康熙癸未舉進士不與館選後浙撫徐元夢疏薦

於

朝以翰林徵入路卒於荏平而舟苞之友又有劉捷二字
月三亦桐城人流寓上元康熙辛卯鄉試第一會苞以
南山集案被逮捷爲送其妻子失會試期遂絕意進取
世尤謂賢云捷兄輝祖字北固康熙庚午舉人第一年
羹堯少時嘗從之學及貴賚千金延之輝祖標使者出
諸門外謂其盛滿盈溢將不得以功名終後羹堯果敗
舟弟林字椒塗亦能文早卒
牛建章字棐臣一字旭峯上元諸生居常教弟子歸本
於躬行體認爲切要著易經解義二卷纂太極圖說通
書廣義夢草齋詩藏於家

新修江寧府志

卷之四十 文苑

王禧字元祉一字澹餘上元人事母徐至孝母或不懌
輒長跪請解能詩古文所爲金陵賦明史序時人重之
吳啟昆字宥函一字新亭上元人康熙辛丑進士由庶
吉士改官御史其居京師甚貧然乃行營高厰地葬鄉
人客死者又倡建金陵會館是時江寧文學士甚多禮
部侍郎方苞嘗爲啟昆墓表云予自成童隨先兄與朋
齒游樂其風尚坦夷多修飭之君子劉古塘張羹歎二
子外交近焉者曰羹纓孝水季咸若宏舒而比肩於宥
函者曰程士馨若韓郭長春蔚瞻康熙癸巳舉人十年以長者
曰蔡擎念詒徐佩子遂諸生六歲而孤長通六籍學者多以胡安定稱之母曹苦節備

極孝養伯母袁氏年十六守志無子養之如己母終其身黃瑞輯五康熙丙子歲貢生官震澤訓導著有四書年長以倍者曰杜炎亮生朱次郊圻苞之所

會要錄次列云爾而是時又有張純心一舉人良鄉知縣奔俞母喪歸哀毀成疾

養直集之一字及萬由銅板館修書議敘授周勳膚公

著有詩黃越際飛康熙己丑進士官徐上登達康熙癸

經韻旨黃越際飛康熙己丑進士官徐上登達康熙癸

江西龍南知郁瑞典六康熙己丑進士官徐上登達康熙癸

縣有善政郁瑞典六康熙己丑進士官徐上登達康熙癸

譙江能古文有書黃將鄭盩汝器號谷口性嗜六書構

遺尊嘗曰六朝朱延清子元言佛老之學金芝維藩請

書院總督查弼納錢輝祖實孫居親喪三年吳調元雨

遂建鍾山書院居寢於外劉西澗詩乘多採

蒼順治丙辰舉人累官福朱豫介士諸生著拙真堂集

新修江寧府志卷之四十文苑

人孟尙鄰錦巢性豪邁負大志為山東泗水知縣忤上憲意罷歸文震東育諸

教諭湯欲保舉其文行亦皆有可述者

張士駟字次隨句容諸生明鼎革後義不忍出學使楊

為賦招隱焉生平絕迹公庭後舉鄉飲大賓年八十一

卒宣芸字書城句容崇德鄉人父卒廬墓三年足迹不入

城市康熙庚午中舉人為寧國宣城教諭著有芹澗堂

文集又著周程張朱四子集解

王弼字熙亮句容歲貢生學問純正著有四書口義一

大全一孔子歷遊年譜秉燭記諸書

李東懷字兆三句容人嘗自言生平得力於精義二字博通經史工詩文稟性醇厚雍正癸卯舉人任寧化知縣卒於官

王芝藻字苻友溧水人康熙甲午舉人任婺源教諭陞泗州教授又陞湖廣邵陽知縣居官有賢聲著周易周禮春秋類義折衷史學提要六曹政典諸書

蕭秉晉溧水舉人有文集行於世因兄秉乾爲漕糧改折助勸其間未遂抱負溧民至今頌惜之其同姓有必祚字永錫府學增生讀書善析疑義有枝菁字周莪能文善詩賦著有覺夢集二十卷

新修江寧府志

卷之四十

文苑

七

尹正鼎字燮公溧水優貢篤志好學增刻五經圖行世同學稱爲老文獻

司徒琦字千子溧水縣廩生其族臨字于敦縣增生棠字際周縣拔貢生皆能文

劉曰珩字上玉江浦人由歲貢任四川石泉知縣博學高才嫻於著述纂有四書詩經說約行世卒後祀鄉賢劉巖字大山江浦人年十八始知讀書遂博極經史成誦終身不忘康熙癸未成進士任翰林院編修著有拙修齋稿大山詩行世

陸世忱字葵心六合諸生究心理學兼治諸經尤邃於

易

吳以誠字思立六合人雍正元年拔貢生受業於方苞有詩學博依十二卷

戴之泰字連茹六合人乾隆戊午順天鄉試舉人授內閣中書卒於官著有周禮集解等書

孔尙熹字鵬翀一字胥翁高淳諸生研精經史與婁東復社諸人相應和鼎革後絕意進取布袍幅巾行歌野哭以抒其意所著有經史大成吳偉業爲之序

李茂英字君玉高淳人大父綬嘉靖時嘗代輸貧戶遺欠漕米一千五百石茂英博學能文尤善於詩竟以諸

新修江寧府志

卷之四十

文苑

六

生老所著詩詞俱刊行世

湯之孫字彥仍一字仍三高淳人性倜儻喜交遊福王時馬阮用事南都徧捕逃官羅織四起陳百史名籍捕中匿之孫家得免既而百史歸命

本朝之孫怏怏不復與相能後有撫員以迂時政內逮急求調劑於之孫之孫遽走京師說百史不少屈而百史亦心折事得平之孫生平慷慨之氣時託於詩惜稿多散軼不傳

程嗣章字南耕上元人國子監生嘗爲江蘇巡撫幕客適有邪教一案蔓延至數千人嗣章謂巡撫此輩皆愚

民盡殺之實傷好生之德請誅其首而釋其從巡撫從之嘗著史學例議明史紀略明儒講學考諸書

李鄴字泌仙上元人宋宰相忠定公綱之後爲人稜稜有風骨非其人不與言著有鷗天閣文集諸書

戴瀚字巨川號雪邨上元人父天章字麟郊好學強記瀚中雍正癸卯一甲第二名進士授編修督學福建屢遷至侍講學士工於詩文著有文集及編年詩乘弟濬字粒民號漸東又號樗園縣增生著易隅稽疑考濬子祖啟見儒林傳

葛祖亮字超人一字聞橋上元人乾隆丙辰恩科進

新修江寧府志

卷之四十

文苑

七

士官禮部主事負性慷慨不妄與人交著禮經千古要義二卷據禮通考五父十三母改正元典章三父八母之說而以服紀後編附之又著兩閣古文等書

和風翔字字清上元人家世業農齠齡立邨塾外耳熟論孟少長學爲文倣史記論讚體不合制藝有媼陳氏者示以前明先輩文數篇風翔曰得之矣試輒首拔入攝山受經於翁荃乾隆元年

詔修三禮方苞薦於朝徵至而卒苞爲作哀詞一章

秦大士字澗泉一字魯一江寧人乾隆壬申恩科殿試一甲第一名進士授修撰擢侍講學士能文工書

命授

皇子書最稱勤慎告歸卒長子承恩辛巳進士亦以文名相繼爲翰林後出爲監司陝西江西巡撫入至尙書都御史卒次子業亦繼爲翰林故稱盛族焉

鄒森字元春一字梁圃上元人乾隆壬申科舉人屢會試不第然至京未嘗一見要人達官或知其來欲先拜之森聞輒移寓或不俟試而先行矣貧窶日甚而讀書不少輟家人告斷炊不以爲病也晚選安東教諭爲文簡古清剛書法亦善

方步溟字曜薇一字融川上元諸生少而工文嘗兩試第一時方選拔貢生衆皆擬步溟而步溟亦不能舍祖

新修江寧府志

卷之四十

文苑

六

母赴京 廷試竟不與拔貢試其後學政李因培賢之舉優貢生步溟終以祖母年高不忍赴 廷試也年四十餘卒竟無嗣

職員朱濂六合人事節母以孝聞子本福廩貢生歷署淮安府學及銅山訓導性慷慨乾隆五十年不惜重貲助賑貧乏協修縣志戴學正稱其品學兼優不媿名父之子少負雋才著有管窺樓詩鈔謙堂遊草等集

樊明徵字聖謨一字軫亭句容人博學而精思其於古人禮樂車服皆考覈而制其器有受教者則舉器以示之不徒爲空言也故聞者易明著書四十餘種尤詳金

石之學

嚴長明字冬友一字道甫江寧人乾隆二十七年以獻賦

召試

賜舉人內閣中書入軍機辦事戶部奏天下雜項錢糧名目煩多請去其名而以其數併入地丁徵收長明日今之雜項古之正供也今法折徵銀若去其名他日吏恣之謂其物官所需民當供且再舉徵之是使民重困也大學士劉統勳曰善乃奏已之是時軍機有數大案賴長明在直任其勞獲成議擢侍讀連遭喪歸遂不復仕出遊

新修江寧府志

卷之四十 文苑

五

秦楚大梁卒於合肥書院長明博學工詩文在職纂修官書外其自爲書曰歸求草堂詩文集及論辨經史書算文藝金石文字者凡二十餘部百餘卷

談樸升字堯階號且泉一號榆邨江寧歲貢生晚選常州府學訓導嘗自言生平於老師宿儒固所欽佩卽後輩一行一言之善未嘗不心識而竊效之也早工時文晚遂潛心經學所著有周易圖象通解諸書

周槩字于平明四川布政使周瑛九世孫也父榮光遷江寧槩好學博覽雅有巧思能以拳木造地球能以尺絹畫江河萬里其婢僕家人亦能知華嚴字母法時

以振奇人目之所著有闕里小志慢亭詩鈔諸書

陳毅字直方一字古漁上元人少孤貧事母盡孝當事欲爲汲引以母老病辭不就遂以布衣終毅早工文辭詩名尤著有攝山志諸書

陶湘字衡川江寧人乾隆辛卯科舉人早與程廷祚齊名一時有南陶北程之目性喜藏書著有春秋經傳集解補義與古文集藏於家

談泰字階平一字星符上元人性嗜學尤精天文歷算少詹錢大昕數與往復辨論極稱重之乾隆丙午科中鄉試舉人晚爲南匯縣教諭卒臨終時猶手不釋卷云

新修江寧府志

卷之四十 文苑

三

所著書凡三十種

韓廷秀字紹真江浦人乾隆庚戌科進士選廣西馬平知縣甫蒞任而遽卒廷秀端靜嗜學頗長經學古文惜死後書皆散佚

汪兆虹字玉飛上元諸生嗜學尊宋儒晝之所爲夜必書之以自省察惜不永年而卒

胡本淵字靜夫上元人嘉慶丙辰科進士官國子監學正以母老不仕歸性和易生平無疾言遠色好學能文所著有物始考三十卷歲時紀事二十卷子史輯要八卷愚谿詩集四卷文集四卷賦一卷

